# An Edition of *The Awntyrs off Arthure at the Terne Wathelyn* in London, Lambeth Palace Library, MS 491

## KAITSUKA,Yasuyuki

#### Introduction:

This is the first part of an edition of *The Awntyrs off Arthure at the Terne Wathelyn* preserved in London, Lambeth Palace Library MS 491. Its purpose is the presentation of the text, and therefore glossary and notes to the text will follow respectively. Collation of all the extant manuscripts or analyses of any linguistic features are not intended here because both of them have been exhaustively discussed by predecessors such as Robert J. Gates and Ralph Hanna in their editions.<sup>(1)</sup>

The Lambeth manuscript is "a large miscellaneous collection in paper and vellum"<sup>(2)</sup> with 329 folios measuring approximately  $22.0 \times 13.5$  cm. Its contents are both secular and religious writings.<sup>(3)</sup>

The Awntyrs off Arthure occupies ff. 275-286, written in a 15th-century Anglicana hand in a single column containing 27 to 31 lines per page except the last column with 24 lines on f. 286v. Pages f. 275, ff. 282-3 are of vellum, and pages ff. 276-281 and ff. 284-286 of paper. The folios are relatively good in condition, but the bottom of f. 276 is torn away that more than a half portion of ll. 90-93 and ll. 120-123 are lost. The text also lacks l. 14, 48 (common in all four manuscripts), 275, 383-385, 616-617 and 707, probably because the scribe has failed to transcribe his exemplar, or because his exemplar is defective. Only the first letter of the text is written in blue ink; but there are "q"-shaped coloured symbols at the head of some lines between f. 275r and f. 281r, most of which are indicative of either the beginning of stanzas or wheels. Some of them are blue, the others red. There are a number of scribbles throughout the pages, especially in the margin at the bottom of f. 282v.

As A.G. Hooper comments<sup>(4)</sup>, the poem in this manuscript has been dismissed as

<sup>(1)</sup> Robert J. Gates (1969); Ralph Hanna III (1974).

<sup>(2)</sup> Gates, p. 15.

<sup>(3)</sup> For further information on the content of the manuscript, see M.R. James and C. Jenkins (2011), pp. 681-4.

<sup>(4)</sup> A.G. Hooper, (1934), p. 38.

inferior to the other three versions <sup>(5)</sup>, despite its earliest date of production <sup>(6)</sup>. Also there are some other factors that make us treat the Lambeth version as unworthy of consideration. The toponyms are cases in point. Tarn Wadling, that is the ground-zero of the first adventure, is referred to in the Douce, Thornton, and Ireland texts, but it is replaced with "turmentis (1, 2)" in the Lambeth text. Both Hooper and Gates attribute the cause of some substitutions to the scribal unfamiliarity with northern placenames. <sup>(7)</sup> The replacement of some toponymical references, in particular the case of Tarn Wadling, must be considered as a serious flaw because of its importance in the narrative development.

The syntactical forms of verbs often witness to the dialect of the scribe; but at the same time, they also prove the Lambeth version a corrupt text. The suffix of the third person singular and plural commonly appears in -th, which is a feature of the southern dialect; on the other hand, it usually appears in -is/ -ys in the rhyming positions, which is a peculiar form to the northern dialect. "duellith (l. 4) ", for example, impairs the rhyme in the first stanza. Southernism, or the southern dialect feature, of the scribe is a cause of the Lambeth version's inferiority.

Moreover, the scribe spoils alliterations in some cases.<sup>(8)</sup> Good examples are alliterative long lines which contain either the names of Guinevere or Gawain. In some works, especially alliterative poems such as *Sir Gawain and the Green Knight, Morte Arthure*, and *Golagros and Gawain*, Gawain's name often begins with w- as in "Wawayn," "Wawen," etc. The queen's name is also spelt as "Waynour," "Wenore" in those works. These fluctuations are obviously for the sake of alliteration. In the Lambeth version, however, their names always begin with g- while the other three versions often read "Wayno (u) r" and "Wawa (y) ne." This consistency often results in the scribal destruction of alliterative metre. As Hanna points out, the alliterative forms in the poem shows "a marked taste for" hyper-alliteration—alliteration falling on all four stressed syllables<sup>(9)</sup>; and the poet's predilection for hyper-alliteration seems to defy the interpretation of the Lambeth text as authentic. Such features peculiar to this text therefore leads to the conclusion that the poem of the Lambeth manuscript is a mere bad copy.<sup>(10)</sup>

<sup>(5)</sup> The poem survives in the other three manuscripts: Oxford, Bodleian Library MS Douce 324; Lincoln, Cathedral Library MS 91, which is also known as the Thornton manuscript; Ireland Blackburn Manuscript, Robert H. Taylor Collection, Princeton, New Jersey.

<sup>(6)</sup> Rosamund Allen (1987), p. 7. Hanna refers to the date of the Lambeth manuscript as "the second quarter of the fifteenth century." (p. 5)

<sup>(7)</sup> Hooper, p. 39; Gates, p. 73.

<sup>(8)</sup> Gates, p. 73.

<sup>(9)</sup> Hanna, p. 12.

<sup>(10)</sup> Some scholars might consider the losses of alliteration as an evidence of the scribe's unfamiliarity to the alliterative tradition. They may be right, because the scribe's choice apparently spoils the alliteration. On the other hand, the consistent spelling of the names irrespective of alliteration is perhaps an indication of the scribe's sophistication, or revisions, of the poem on which Allen remarks (p. 8).

The inferiority may cause to create another unfortunate state of the poem in the Lambeth manuscript: the Lambethian *Awntyrs* have never been published separately.<sup>(11)</sup>

Recent critical editions, though they collate all four manuscripts, are almost unexceptionally based upon the Douce text.<sup>(12)</sup> With one exception to this general trend, Maldwyn Mills edits the poem using the so-called Ireland Blackburne MS as his base text.<sup>(13)</sup> As regards the poem in the Thornton MS, there is a manuscript facsimile with an introduction of Derek Brewer and A.E.B. Owen.<sup>(14)</sup> We have a direct access to the raw material of this poem preserved in the Thornton MS. Moreover, *Scottish Alliterative Poems in Riming Stanzas*<sup>(15)</sup> contains the parallel text edition: the Douce MS version and Thornton MS. Amours' work is "the best edition" <sup>(16)</sup> which makes it possible to compare both texts. All these editions mentioned above allow us to study the textual variants in three different versions of *The Awntyrs off Arthure*.

On the contrary, the Lambethian *Awntyrs*, though once edited separately, remains unpublished. The only transcription of the poem in the Lambeth MS is presented by Florence Ann Paton, but Gates dismisses it as unsatisfactory, because it includes no emendation and its glossary is only selective.<sup>(17)</sup> Clayton Paul Christianson also gives parallel transcriptions of all four manuscripts. According to Gates, Christianson's edition contains a number of mistakes "in transcribing the MSS." <sup>(18)</sup> Both of them, moreover, are unpublished doctoral theses; and the access to *The Awntyrs off Arthure* in the Lambeth MS is therefore only limited. That alone would be enough reason to make this poem in the Lambeth MS available to any students of Middle English literature.

#### **Editorial Policy:**

The spelling of the manuscript is diplomatically reproduced. Emendations are not indicated, and the forms which appear in the manuscript are provided in the side notes. A few words such as *Clegis* (1. 96), *kyng* (1. 265), *I* (1. 430) clearly need emendation; I shall discuss them later in the notes. Abbreviations are expanded in accordance with the spellings used in the manuscript; they are indicated in italics. However, the spellings

<sup>(11)</sup> Cf. Gates, pp. 17-18; Allen, p. 12.

<sup>(12)</sup> Both Gates and Hanna use the Douce text as their base text. Hanna gives a sensible justification for using the Douce text as a copy text (pp. 53-54). Allen, though his edition unpublished, adopts the Douce text as a copy text (p. 14).

<sup>(13)</sup> Maldwyn Mills (1992), pp. 161-182. The Ireland MS is also edited by John Robson (1842; rept. 1968) in the 19th century.

<sup>(14)</sup> Thornton (1977).

<sup>(15)</sup> F.J. Amours (1892; rpt. 1966).

<sup>(16)</sup> Gates, p. 17.

<sup>(17)</sup> Gates, p. 18.

<sup>(18)</sup> Gates. p. 18.

in the manuscript are not fixed as modern English spellings. I therefore attempt to expand all the abbreviated forms in agreement with the spellings which most frequently occur in the text.

Some words which are spelt as one word in modern English are written in more than one word in some cases in the manuscript. These are linked with hyphens such as *vn-to* (l. 175), *ber-of* (l. 241), *with-yn* (l. 566). Hyphenations are also given to such archaic words as *by-claggyd* (l. 106), *y-wis* (l. 196), *y-wonne* (l. 274), *by-dene* (l. 380), *a-right* (l. 550).

The proper names are all capitalized as in Present-day English, and the first letter at the beginning of all lines are also capitalized. The manuscript is responsible for any other examples of capital letters used in the text. Punctuations are editorial, for they are not provided in the manuscript. Stanza divisions, on the other hand, are original; nine alliterative long lines are always followed by a wheel of four short lines, which must therefore exhibit a stanzaic structure of the poem.

### Acknowledgement:

My thanks must go to Dr Rachel Cosgrave, Senior Archivist at Lambeth Palace Library, Ms. Shanine Salmon, Archives Assistant at Lambeth Palace Library, Mr. Krzysztof Adamiec, Reprographic Assistant; their support enables me to consult both the digital images of the manuscript and the manuscript itself at the library. I am also indebted to Professor Ad Putter and Professor Shin'ichi Takeuchi, who have given me many helpful suggestions for interpretation of some obscure lines in the manuscript. And I should like to express my sincere gratitude to the Trustees of Lambeth Palace Library.

### Works Cited:

- Allen, Rosamund. "Some Sceptical Observations on the Editing of The Awntyrs off Arthure." Manuscripts and Texts: Editorial Problems in Later Middle English Literature. Ed. Derek Pearsall Cambridge: D.S. Brewer, 1987. 5-25.
- Amours, F.J. Ed. Scottish Alliterative poems in Riming Stanzas. 1892; rpt. New York: Jonson, 1966.

Gates, Robert J. Ed. *The Awntyrs off Arthure at the Terne Wathelyne: A Critical Edition.* Philadelphia: U of Pennsylvania P, 1969.

Hanna III, Ralph. Ed. *The Awntyrs off Arthure at the Terne Wathelyn: An Edition based on Bodleian Library MS. Douce 324.* Manchester: Manchester UP, 1974.

Hooper, A.G. "The Lambeth Palace MS. of The Awntyrs off Arthure." *Leeds Studies in English* 3 (1934): 37-43.

James, M.R. and C. Jenkins. *A Descriptive Catalogue of the Manuscripts in the Library of Lambeth Palace.* Cambridge: CUP, 2011.

- Mills, Maldwyn. Ed. *Ywain and Gawain, Sir Percyvell of Gales, The Anturs of Arther.* London: J.M. Dent, 1992.
- Robson, John. Ed. *Three Early English Metrical Romances*. 1842; rpt. New York: AMS, 1968.
- Thornton, Robert. *The Thornton Manuscript (Lincoln Cathedral MS. 91)*. London: Scolar, 1977.

In the tyme of Arthur an Auntur bytid; f. 275r In talkyng of his turmentis be tale of hym tellis, As he to Carlille was comyn, conquerour y-kyd, Dukes and duspers bat wib be kyng duellith, To hunt at be herdis bat long had be hid. 5 On a day bei hem dight to the depe dellis To felle of *be* femals *bat* in *be* forest were fryd, So faire in felawship by fritthis and fellis. Thus wyde are bei went, be worthiest in wedis: Bothe the kyng and the qwene 10 And alle be dospers by-dene. Gawayn, gaynest on grene, Dame Gunnore he ledis.

#### • • •

In a gliteryng gyte þat glemith so gay	15
With rich rubyes reuercid—who so right redis—	
Rayed with rybans of ryalle aray;	
Her hood of an hye hewe <i>pat</i> be hede hidis	
Wib perrey and perlis was pelurid to pay;	
Shrowdid in a short cloke <i>per</i> -on <i>pe</i> reyne slidis	20
Set ouere with saphires, sothely to say,	
Wiþ selcouþe stonys cerclyd on the sydis.	
Her sadil set of þat ilk	
With riche seyntis of silk;	
On a mule whit as mylk	25
Ful gayly she glidis.	

Thus al gliteryng in gold ful gayly she glidis The gate with sir Gawayn by þe grene welle. None but þat berde wiþ þe berne bydis Pat bore was in Burgoyne by boke *and* by belle. He lediþ þ*at* lady so longe by þe lawnde sydis P*at* vndir a lorer she light lowe by þe fellis; And Arthur wiþ his erlis ernestly ridis To teche hem to tristris, so right he hem tellis. To her tristris he hem told, ho so right trowis. Eche lord with-out lette To a tristre tre is sette With bowe *and* wiþ bracelet

-146-

30

35

f. 275v

## Vndur the bowys.

Vndur þe bowis bodyn þe barons so bolde To bykir at þe wild bore by þe bankis so bare. Þei cast on kenettis cowplis by þ <i>e</i> cliffis so colde To comfort þe knyghtis and kele hem of care. Ther might men hendely herdis byholde, Here huntyng wiþ hornys in holtis so hore. They fellid femals ful meny-folde Wiþ fele fressh hondis to folow þe fare.	40 45
 With qwestis and qwellis By fritthis and fellis The dere in the dellys They drowpyn and dare.	50
Alle droupe þe dere <i>and</i> to þe doun dryvis, And for drede of dethe drowpid þe do. By þe streme so strong þ <i>at</i> swiftly sweyvis, Wery were þe wild swyne, wroght ful of wo. Hying to halowe the hertis with hound, Alle þe rennyng racchis rayle to þe roo; They gyue no game grith þat on þe ground. Grete houndis of þe grasse so gladly þei go; They go so gladly in greuys so grene. The kyng blewe a rechace And folowid fast on þe chace Wiþ meny s <i>er</i> gaunt of þe mace, That solas to sene.	55 60 f. 276r 65
Thus wiþ solas þei semblid, þ <i>e</i> kyng pruddest in pal, And seke to the game in shawis so shene. None but <i>sir</i> Gawayn, þe greithest of all <i>e</i> , Levith wiþ dame Gunnore the grevis so grene. Vndur a lorer she light, þat lady small <i>e</i> , Wiþ bowis of barbaryn byggid ful clene. Fast by for vndrun this ferly byfall <i>e</i> , And þis miche m <i>er</i> veil þ <i>at</i> y of mene. Now wole y of þis merveil melle, if y mote. The day wax al derke,	70 75

As it were mydnight merke. Therof was Arthur yrke And light on his foot.

Thus on foot are þei light, þe frekis vnfayn,	
And fled to be fritthes for be flawis bat felle. 80	
And to resettyng bei ronne for rydour of reyne,	
For he sliteryng snow hat snowid hem so snelle.	
Ther come a lothly to loke — on lede not to layne —	
In liknes of Lucifer, lothliest of helle,	
Glode to dame Gunore gatys vngayne, 85	
30llyng 3ernely wiþ meny a lowd 3e[ ]e;	
Hit lollid and 3anyd wib wonges ful wete,	
And seyd sighyng sare:	
"I ban þe body þat me bare.	
Alas now kyndlis my [ ]! 90	
I gloupe and [ ]."	

## Than [ ]

f. 276v
i
Clegis MS] Gawayn
)

But neiþ*er* of hide ne of here helyng it had. Hit starid and stonyd, stood stil as stone; Hit marrid *and* mornyd, musyd for mad. To þ*at* grisly gost Gawayn is gone,

Raykyd to here rathely, for he was neu*er*e rad;

-148-

110

Rad was he neuere-who so right redis. On the clyst of her cholle Paddoks pykid on her polle. 115 Here even holkyd holle; They glymerid as gledis. Alle glowid as gledis be goost, whan he glidis Clothid w ]wde wib clothing vnclere ] her sydis 120 ſ 1 to tere ſ ]dis ſ f. 277r The hound is hyes to be holt and be hede hydis, 125 For bat grisly goost made so grym giere. Ful grisly be goost grynnyd in her gere; The briddis on bewys That on be grene growys Shrikys and Showys That herdis myght here. 130 Herkenys bat wil here, hendest in halle! Alle her chawlis claterid chille to her chynne. Þan coniurid þe knyght, on crist gan he calle: "As bow were crucified on crosse to clense vs of syn, Now, wrecche, sey me sothely whidir bow shal, 135 And why bu walkys bis wey bes wodis with-yn." "I was," quod she, "of figure and flessh fairest of alle, Cristnyd and knowyn wib kyngis of my kyn, And have kyngis of my kyn ful kene. God hath lent me bis grace 140 To dry my penance in this place. I am comyn in this cas To speke wib your qwene. Qwene crownyd was y sumtyme, brighter of browis Than Berelle or Brangwayne, berdis so bolde; 145 Of game or gle bat on be ground growis, Now greyber ban Gunnor greythid in gold; Of paleys prowd, of parkis to pay,

Of townys, of towris, of tresoir vntold,

Of cuntres, of castels, countes, y 30w say. Now am y cast fro þ <i>at</i> tyre to caris so cold. In care am y cacchid and closyd in clay. Lo! lo! curteys knyght, How dethe hath me dight!	150 f. 277y
Lete me onys have a sight	155
Of Gu <i>n</i> nore the gay."	155
or Sumore the gay.	
Aftir dame Gunnore þe gay sir Gawayn is gone	
And broght to that body the berde so bright.	
"Welcome art bu, Gunnore, worthily in wone.	
Se how dolfully dethe bi dame hath y-dight.	160
I was redder on ronde þan rose on þe rise;	
My leyr as be lilie, lovesom and light.	
Now am y graceles gost and grisly in bis wise;	
Wiþ Lucifers lymes ful low am y light.	
Thus am y lik Lucifer, tende now to me	165
For all <i>e</i> thi fresshe furrour!	
Loke on thy mirrour!	
Kyng and Emp <i>er</i> our,	
Thus dight shul 3e be.	
	1.50
Thus Dethe wol 30w dight, y do yow out of dout.	170
Perfor hertly take hede, while $bu$ art here;	
Whan pow art ricchest arayd <i>and</i> ridist on rout,	
Have pite on be pore, while $\mu$ art on powere.	
Bernes and bierdis are bysy the aboute;	
Be thy lyf byreft and broght vn-to bere,	175
Pan wol þei leve þe lightly þ $at$ now wil þe loute.	
Than helpith the noght but holy prayere:	
Pe holy <i>pra</i> yers of þe pore may <i>pur</i> chace þe pes.	
On hem $\beta at$ 30llyn at thy yate,	
When $\mu$ art set in thy sete	180
Wiþ al mirthis at thy mete	
And deyntes on dese.	
With all <i>e</i> riche deyntes bat to the are dight,	f. 278r
Thus in daunger and dole in doniou <i>n</i> y dwelle,	
Nasty and nedeful and nakyd vp-on nyght.	185

Þer folwis me a ferdnes of fendis of helle;

-150-

They hurle me vnhendly <i>and</i> hovis me on hight. In brasse and brymstone y brenne as a belle. Was neu <i>er</i> e in þis world a wofuller wight! I am to tery of tung my turment to telle; Now wil some of my turmentis telle or i go. Thenk hertly on this For to mende thi mis. Thow art warnyd, y-wis, To be ware wiþ my wo."	190 195	
"Wo is me for the," quod Gunnore "y-wis,		
But o þing wold y wite, if þi wil were.		
If eny matyns or masse might mende þi misse,		
Or eny meble of $\beta$ is mold, my mirthe were $\beta e$ more,		
Or bedis or bunfetis might bring þe to blis,	200	
Or couentis of cloystris might kele be of care.		
If pow be my modir, grete wondur it is		
Pat al pi baleful body now left is so bare."		
"I bare be of my body; what bote is to leyne?		
By a takyn that þow knewe,	205	
I brak a solempne vowe.		
None wist but y and thow,		
The sope for to sayne."		
"Sey me sobely what may be mende of bi sytis,		
And y shal smartly do seke seyntis for bi sake.	210	
But þo baleful bestis þat on þi body bitis		
Alle blendis my blood; bi blee is so blake."		f. 278v
"That is love paramour, lustis and delices,		
Þat makiþ me now lewd and ly low in a lake.		
Al the welthe of bis world bus a-way wites	215	
With bes wykkid wormys bat worke me bis wrake;		
Wrake þei work me, Gaynor, y-wys.		
Were xxx trentals done		
Bytwix midday and none,	220	
My sowle were socourid sone	220	
And broght vn-to blisse.		

To blis bring þe þ*at* berne þ*at* boght þe on rode, Was crucified wiþ crosse and crownyd wiþ þorne,

Cristnyd and crysmyd wiþ candell <i>e</i> and code, Halowyd in þe funtstone frely byforne; Mary, our modir myldest of mode, Of who <i>m</i> þ <i>at</i> blisful barn was in Bethlem y-born; Leve me grace to þi sowle wiþ soule do gode Þat may bettir to thi bote on evyn <i>and</i> a morn; To mede þe wiþ messis grete menske it were. For hym þat restith on rode, Yeve part of thy good To folk þat failiþ her food, While þow art here."	225 230
"Here hertly y hote be wib hestis to holde	235
Wiþ messis a myliou <i>n</i> to make þi menyng.	
O word," quod Gunnor, "wyten y wolde	
What wratthiþ god most at þi wytyng." "Pryde in p <i>ro</i> cessiou <i>n</i> , as p <i>ro</i> phetis have told	f. 279r
Byfor þe ap <i>er</i> tly in her prechyng;	240
Per-of þe bowis are bitir, þer-of be þow bold,	
And makib bernes ful bayne to breke his biddyng;	
But who his biddyng brekiþ bare is of blis.	
But he sonner salvid of <i>pat</i> sore,	
Or the tyme that he come thore.	245
He may ban þe body hym bore,	
Gunnore, y-wys."	
"Wisse me," quod Gunnor, "some wey if bu wost.	
What bu <i>n</i> faites may me vn-to blis bryng?"	
"Mekenes and mercy, thes are the most,	250
And have pite of be pore: it is his biddyng.	
After bis charite is chevest and cherisshid moost,	
And sethyn almesdede aftir alle thing.	
Thes be gracious 3eftis of be holy gost	
That enspiris eche a spirit wib-out spilling.	255
Of spiritual thing is spire $bu$ me no mare.	
Whil b <i>u</i> art qwene in qwert,	
Take bes word is in thin hert.	
Here shalt	260
riciniys shall pow rate.	200

"How shul we fare," quod þe freke, "þat fondis to fight And defoulith þe folk in fele kyngis londis, Ridis and rennis in rewmys wiþ e[n]y right, And wynnis worship and wele with wightnes of hondis?"	2(5	lara a MGI lara d
"30ur kyng is to coueytous knowyn, <i>sir</i> knyght. May no ma <i>n</i> stere hy <i>m</i> w <i>i</i> th strengþe, whil he wele standis. Whan he is in his mageste most in his might,	265	kyng: MS] kynd
Hym shal be-tyde a chaunce on þe se sandis: Þat cheuallerous knyght bycheve shal a chaunce,		f. 279v
Fals fortune in fight.	270	
Pat wondirful wight		
Makiþ lordis lowe light.		
Take witnesse at Fraunce.		
Fraunce have ferlily wib fight y-wonne		
Folk and	275	
Britayne and Burgoyne bob are to yow bowne,		
Pat alle be duspers of Fraunce are with 30ur dyntis dyuyd;		
Gynys and Grece may grete bat werre was bygonne-		
They have no lord in that lond levid.		
3et shal þe riche Romayns with 30w be ou <i>er</i> -ronne,	280	
And wiþ þe Round Table her rentis be by-revid;		
Per shal tristily, y trowe, tymbre 30ur tene.		
Gete 3e, sir Gawayn.		
Turne 30w to Tuskayn.	<b>a</b> a <b>a</b>	
3e shul lese Brytayne	285	
Wiþ a knyght kene.		
A knyght þ <i>at</i> is kyndely crownyd wiþ crowne,		
And at Carlille, y say, is crownyd a kyng;		
He shal ensege sikirly ban in $bat$ sesoun	200	
Pat mych baret and bro to Briteyne shal bring. Hit shal in Tuskayn be told for a tresoun,	290	
And ye shul ride a yeen for that tydyng.		
Pan shal þe Round Table lese þe renoun		
By-side Ramsey ful right at a rydyng.		
In Dorsete shal dy be doghtyest of alle.	295	
Gye þe wele, sir Gawayn.	275	
Boldest of Brytayne		f. 280r
In a slade shal be slayne;		-

Such chaunce shal be-falle.

00
05
10
15
20
25 f. 280v
30

Knyghtis and squyers on euerych sydis,

Þe wightis of þes wedris a-wondrid þei were.

The prins pruddest yn palle,

335

Gay Gunnore and alle Rode to Randilsete halle, To her Soupere.

The kyng to soper is set and servid in sale Vndur a celour of Sylk swetely of sight. 340 Right yn so come syphoners and symbale, A lady louesom of leyr ledyng a knyght; He ridith vp to be deys by-for the rial And askis kyng Arthur hendly on hight. Þer led hym by þe bridel a lady gent and smalle, 345 And to bat renk rial he raykid ful right. She seyd to *bat* soverayn, worthiest in wede, "Man makeles of myght, Here comith a knyght. 350 Do hym reson and right For thy manhede."

Manly in his mantel he sittis at his mete In palle puryd with pane prowdly y-pight, Tracyd and travercid with trewlovis; f. 281r Þe lace was of grene silk bat ber-to was dight. 355 He glysid wib his eyen bat grey were and grete Wib his brode berd on bat bierde bright. He was be souereynest, forsobe, syttyng in sete That euere ey saw or sene was wib sight. The crownyd kyng to her talkyd on hight: 360 "Welcome, comely knyght, Wher is bat worthy wight? Thow shalt have resoun and right Atte thi wille right."

She was þe worþiest wight þ*at* eny weld wolde:365Here gyte was glorious *and* gay as gras grene;365Her belle was blounkyd with briddis ful bolde,365Betyn wiþ besauntis and botenyd ful shene;365Her forhed in perrey was frettyd in folde,370Contrefilettid *and* kellyd, colourid ful clene370Wiþ a crowne of cristall*e and* of clere gold;370Her kerchefs were glorious with meny a proud prene;370

Her fairhede was praysid wib prest and wib knyght. Bright barins and bolde Had blisse her to byholde: 375 They waytid manyfolde On that hende wight. The knyght in his colours was armyd ful clene, Wib his comly creste clerly to byholde, And his bright basnet burnysshid by-dene 380 Wib bordure about al of brent golde; His maylis were mylkwhite closid by-dene; . . . 385 His hors trappid trily wer trappid to be hele; Ther was in his frounte byforn, f. 281v As it were an vnicorne. As sharp as a thorne, An andlas of stele. 390 In stele was he stuffyd, stif on his stede, Alle of sterris of gold strykelyd on stray; His ienewbris and his iaumbis glowyd as glede, 394 With greyvis and his Cusshewis bat greibid ful gay; And his shene shynbandis *bat* shapyn were to shede; His poleynes and his pelydodis bat powdrid wer to pay, Wib a launce vp-on loft lovely in lede. A fawnt on a fair folower hym folowid in fay; The faunt was a-ferd for fray of bat fare. He was wont not to se. 400 Neuere in be Round Table, Such game nor gle; Saw he neuere are. Arthour askyd in hight, heryng hem alle: "What woldist bu, wight? If it be bi wille, 405 Tel me what bow says and whidir bu shalle, And whi bu studiest in bis stede and stondist stille." He left vp his visere from his ventaille

And with a knyghtly contenance carpid hym tille:

<ul> <li>"Be þ<i>u</i> caiser or kyng, here y þe bycall<i>e</i></li> <li>To fynd me a freke to fight on my fill<i>e</i>;</li> <li>For fightyng to frayst y am fondyn fro hame."</li> <li>The kyng carpis on hight:</li> <li>"Lyght <i>and</i> lende here al nyght.</li> <li>If þow be a curteys knyght,</li> <li>Telle me thy name."</li> </ul>	410 415	
"My name is Gaveron wiþ-out eny lye. The grettest of Galawey, of greuys <i>and</i> gyllis, Of Connok, of Careyk, of Coynham, of Kylle, Of Lomomid, of Leyname, of Lewans Hillis; And þow wan he <i>m</i> w <i>i</i> th werre <i>and</i> w <i>i</i> th wrang wille, <i>And</i> 3af he <i>m sir</i> Gawayn; myn hert þ <i>er</i> -of grillis. He shal wryngyn his hondis <i>and</i> warie þe while, Or he weld hem, y-wis, at myn vnwillis.	f. 282r 420	
By al be wilis of bis world, he shal hem neuere weld, Whil y may myn hede bere, But he wyn hem with werre With sheld and wib spere On a faire felde.	426	
I wole fight yn a feld, y hote by my feith, Wiþ a freke of þis fold that is fre born. To lese such a lordship me þink it ful lath; Eche lyvyng lede wil lagh me to scorn."	430	I MS] In
"We be in þe wode here walkyng on our wayþ; We hunt at þes herdis wiþ hound <i>and</i> with horn. We are in owr game; we have here no graiþ. But 3et þ <i>u</i> shalt be macchid by mydday to-morn: By mydday to-morn on shal wiþ the fight." Gawayn, þe graithest of all <i>e</i> ,	435	
Led hym owt of the hall <i>e</i> In-to a pavelon of pall <i>e</i> Prowdily y-pight.	440	
<ul><li>Pight was it prowdly wiþ purpre <i>and</i> palle,</li><li>Wiþ dosers and cusshyns <i>and</i> bankers bright;</li><li>Wiþ-in was a chaumbre, chapell<i>e and</i> halle,</li><li>A chymney wiþ carkele to chauf w<i>i</i>th a knyght.</li></ul>	445	

-157-

His stede was stablyd <i>and</i> led yn-to stalle; Hay hendly þei hevid in hekkys on hight. Seth þei breydin vp bordis <i>and</i> clothis gan calle, Sanapis and salers semely in sight, Torchis and tortys stondyng by-twene. Than þei servid þat knyght And þis worthy wight Wiþ riche deyntes y-dight In siluir so schene.	f. 282v 450 455
in shufi so schene.	455
In selvir so shene þei servyn of þe beste Wiþ vernage in verris and coupis so clene. And þus þis galyard me <i>n</i> gladis her geste W <i>i</i> t <i>h</i> rich deyntes endorid in disshis by-dene.	
<ul> <li>And whan be rial renke was raght to his rest,</li> <li>be kyng to counseil hab calllid his knyghtis so kene:</li> <li>"Loke now, lordynges! Our loos be not y-lost.</li> <li>Who shal encountre bis knyght? Cast vs bytwene"</li> <li>Than seyd sir Gawayn, "y wole be not greve.</li> </ul>	460
I shal encountre wiþ þat knyght— Here my trouthe y þe plight— That is hardy and wight, Lord, with thy leve."	465
"I leue þe wele," q <i>uo</i> d þ <i>e</i> kyng, "in lystines be light. But y nold for no lordship se thy self lorn." "Let go," q <i>uo</i> d Gawayn, "god dele the right. If he scape scaþeles, it were a grete scorn." In þe dawnyng of þ <i>e</i> day þe doghty were dight;	470
They herd matyns <i>and</i> masse erly by be morne. By b <i>at</i> in Plontou <i>n</i> Land a place was y-pight, Wher neu <i>er</i> e freke of bis fold had foght byforn. They set listis on lengthe on b <i>at</i> longe lande. Two soppys atte demayn	475
They broght to sir Gawayn For to comforte his brayn; The kyng dede comaunde.	f. 283r 480

The kyng dede com*a*unde to þe Erl of Kent: "Curteisly in þis cas, take tent to þ*at* knyght."

Riche deyntes or day he dynyd in his tent, Briddis bakyn in brede on brent gold bright. And sethin to Gaynor worthely he went, And left in her warde his worthely wight. And þan þes boþe men her horsis have hent, And at þe lystis in þe laund lustily þei alight,	485
Alle but he bernys boldest of blood.	490
The kyng on hight was sette	
Above yn a Castelet;	
Were meny galyard <i>bat</i> grette	
For Gawayn the good.	
Gawayn and Galroun are dight on stedis;	495
Alle glytering in gold gay was her gere.	
To lordis wiþ love hem to þe lyst ledis	
With meny sergaunt of mace, as was be manere.	
The bernes broches her bodyes <i>bat</i> her sidis bledis;	
Fast þes frekis on this feld foghtyn yn fere,	500
Shaftis of shene wode bei shyverid on shredis.	
So iolyly thes gentils iustyn on were;	
Shaftis þei shyverid on sheldis, þo shent.	
Seth wiþ brondis bright	
Riche maylis they right.	505
Þus encountris the knyght	
Wiþ Gawayn on the grene.	
Gawayn was graiþely graithid on grene	
Wib Griffons of gold englorid so gay,	f. 283v
Tracid and travercid with trewlovis bytwene.	510
On his stertelyng stede he strikis on stray.	
The topir in his turnyng he takith in tene.	
"Why drawis bu on so drighly and make such dirray!"	
He swappid on be swithe wib a swerd kene;	
That grevid sir Gawayn to his deth day,	515
Pe dede of <i>bat</i> doghty <i>and</i> his dyntis by-dene.	
Fifty maylis and mo,	
Þe swerd swappid yn two,	
His kanelle bone also,	
Wiþ þ <i>at</i> swerde kene.	520

He clefe þurgh þe cantell <i>e</i> þ <i>at</i> cou <i>er</i> yd þ <i>e</i> knyght. Þurgh shuldre <i>and</i> sheld a shaftmound <i>and</i> more. And loþely þ <i>at</i> lord he laght vp on hyght, And Gawayn grynyd gresily <i>and</i> gronyd ful sore: "I shal reward þe w <i>ith</i> a rowte, if y may rede right!"		
He folowiþ on þ <i>at</i> freke wiþ a fresshe fare Þurgh his blasyng basnet þ <i>at</i> burnysshid was bright; Wiþ a bytyng swerd thurgh hym bare,	526	
<ul><li>Purgh þe blasyng basnet of þat hende wight.</li><li>Than Galaron þe gay</li><li>Was no wondur in fay,</li><li>Þogh he were in affray</li><li>Wiþ tho dyntis y-dight.</li></ul>	530	
Sternely in his stiropis stifly he strikis, And wayvis at <i>sir</i> Gawayn, as he wer wood. Þan his le <i>m</i> man on loft sorowis <i>and</i> shrikys, Whan þ <i>at</i> bold berne so blenkis in his blood.	535	
Lordis and ladyes bat the layke lykis		f. 284r
<ul> <li>Þonk god of his grace for Gawayn þe good.</li> <li>With a swappe of his swerd þe toþ<i>er</i> at hym strikis,</li> <li>And stroke of þe stedis heed wiþ strengþe þ<i>er</i>e he stood;</li> <li>And þan þe fayr stede fowndrid on fote.</li> <li>Gawayn grynnyd in hert;</li> </ul>	540	
He was swithely smert. Owt of his stiropis he stert, From Gryselle the good.	545	
"Now is gay Griselle gone þat was so good. He was þe best body þat euere bare knyght. By hym þat rufully ros and raght hym on rood, I shal venge hym to-day, if y may a-right!" "Go fecche forth my frysoun, fayrest on food; He wil stand in a stour in as mych stede." "No more for þe good stede þan a resshe rote. But for dole of þe dombe best þat þus shold be dede;	550	
No more for no monkyre, for y may gete more." As he stode by his stede That was good in eche nede, He bythoght hym of rede	555	

And sighid sore.

He sighyd for wo, Gawayn þe wight,	560
And wendiþ to his enemy þat woundid was sore.	
Þe toþer wiþdrow hym dernely for drede of þe knyght,	
And boldily plis his stede on be bent bare.	
"Þus may 3e dryve þe day to þe derk nyght.	
be son is passid be mark of mydday and more!"	565
With-yn þe listis on þe laund ful lightly he lyght,	
Toward þe berne wiþ a brond he buskyd ful yore.	
Thus to bataille be bei boun wib brondis so bright;	f. 284v
Riche mayles were shred	
Wiþ bright brondis y-bred.	570
Meny doghty dred;	
So fersly þei fight.	

Thus they fight on her foot on her faire felde As fryke as a lyon *bat* of fight fawtis his fille. Wysely bes wight men her wepenys bei weld; 575 Wyte 3e wele, sir Gawayn wantis no wille. He brochid hym wib his brond vndur be sheld; Þurgh [be] waste he went, bat woundyd hym ylle. be swerd stynt for no stuf-it was wel stelid. Pat eiber for bat stroke stode stone stille: 580 "Pogh y were stonyed bat stound—" he strikyd ful sore And gert sir Gawayn Þurgh ventaille and polayn. He went litil to have be slayn; He mayed hym be more. 585

Hastily on helmys þan þes hardy gan hewe;
Þei bete douun berelles and borduris so bright.
Sheldis on shuldris þat shene were to shewe
Pat frettyd were wiþ fyne gold faylith in þat fight.
Stonys of grete strengthe þei strynkil and strewe,
Stiff staplis of stele strykyn doun-right.
Bernys bannith þe tyme þat bargayn was brow.
So dolefully þo doghty wiþ dyntis were dight;
Þe dyntis of þo doghty were doutous by-dene.
Bothe sir Lete and sir Lake,

-161-

Miche mornyng þei make. Gaynor gret for her sake Wiþ her grey eyen.

Thus grette dame Gaynor þ <i>at</i> grete grefe was to sene For greef of <i>sir</i> Gawayn þat was grisly woundid. The knyght of Corage was cruell <i>e</i> and kene, And wiþ a stelyn bronde strikyd þat stound. Alle þe coste of the knyght he cleviþ doun clene Thurgh riche maylis þat ranke were <i>and</i> round.	f. 285r 600
Such a stroke he hym raght yn a tene; He gerd <i>sir</i> Galerou <i>n</i> doun to the ground; To þe ground was cast þat doghty bedene. But al doun as he was, Wondir rathely he ras,	605
Coverid vp in that cas Wiþ his swerd kene.	610
Kenely þ <i>at</i> kene knyght couerid on hight, And as a kene kempe kyndely he strykis, And w <i>ith</i> strokis rewardiþ Gawayn þe wight. But 3et hym happith þ <i>e</i> wors, <i>and</i> þ <i>at</i> me wel likys:   And Gawayn by þe coler blekys þat knyght. And pan his l <i>em</i> man low shrillis <i>and</i> shrikis, And grette on dame Gunnore w <i>ith</i> gronyng ful grill <i>e</i> : "Lady makeles of myght,	615
Have pyte on that knyght Þat is dolefully dight, If it be thy will <i>e</i> !"	
Than wightly dame Gunnor to be kyng went; She caght of her coronal <i>and</i> knelid hym til: "As thow art roy ricchest of rent, And y thy wif weddid eu <i>er</i> e at thy will <i>e</i> , bo bernes in batayle b <i>at</i> blede on be bent,	625
<ul><li>Þei be wery, y-wis, <i>and</i> woundid ful yll<i>e</i>;</li><li>Þurgh sharp swerdis her shuldris are shent.</li><li>The grevis of sir Gawayn do my hert grille;</li></ul>	630 f. 285v

The grevis of sir Gawayn grevis me sore. But wold bow, lovely lorde, Make tho knyghtis acorde? 635 Hit were a grete comforte To alle bat here wore." Than spak Galroun to Gawayn be good: "I wend ber had be none in world halvyndel so wight. Here y make be a reles, renke, by the rood, 640 And byfor 30n ryalle resigne y my right. And seth y mouthe be as menys with a myld mode, As a man in bis world bat moost is of myght." He callid toward be kyng on height ber he stode; kyng MS] knyght\* He bede forth his brond bat burnysshid was right. 645 "Of rentis, of ricchesse y make the relees." Down knelyd be knyght, And seyd wordis on hight. The kyng stert vp a-non-right And comaundid pees. 650 The kyng comaundid pees and cryed on hight, And Gawayn ful goodly left for his sake. Four lordis in-to be laund lepyd ful right: Sir Eweyn, sir Realle, sir Errak, sir Lake. Sir Marcaduk, sir Marrak bat mych were of myght 655 Bothe bes travaylid men a-twyn bei take. Vnnebes might bei bat stound stondyn vp-right, What for bete, what for bled, be bernys were blake: The bernes were blody forbetyn wib brondis. Wib-out more rehercyng 660 Made was her sawghtlyng; f. 286r And that comly kyng Yaf hem her landys. "Here y gyve be, Gawayn, wib garnysoun of gold, Alle Glomorgans londis wib grevis and grene, 665 Wib worship in Walis to have and to hold, Wib cuntres and castels kernellyd ful clene, Hulster al holy to have and to hold,

Wayteford and Watirford, wallyd y wene,

Two baronyes in Brytayn in burghes so bolde That be bataillid a-bout and byggid ful clene. I shal dubbe þe duke doghty wiþ hondis, Þ <i>at</i> þow sawghtill <i>e</i> with þat knyght That is hardy and wyght, And reles hym his right, And yeve hym his londis.	670 675
Here y 3eve þe, Galroun, wiþ-out eny grylle,	
Alle the londis and litthis fro Lowyk to Leyre,	
Cunnok and Carrok, Conyngham and Kylle	
Wib her fritthis and forestis frely so feire	680
Vndur our lordship to lende at bi wille,	
And to be Round Table make thy repeire	
Vp-on þis couen <i>a</i> nt, if þat þow will <i>e</i> .	
I shal refeffe þe felefold in forestis so faire,	
In forestis and fritthes bat bene so faire."	685
Thus the kyng and the qwene	
And he doghty by-dene,	
Thurgh þe grevis so grene	
To Carlill <i>e</i> they faire.	
The kyng to Carlil is come wiþ knyghtis so kene,	690
And hold be Round Table on ryall <i>e</i> aray.	
Thes doghty <i>bat</i> were woundid so wropely, y wene,	f. 286v
Soiournis tul þei be salvid, sothely to say.	
Bobe comfortith hem kyndely, the kyng and be qwene.	
They were dubbyd dukis bothe on o day.	695
Ther he weddid his wyf, semely to sene,	
Wiþ giftis and garsons, sir Galroun þe gay.	
Thus þe kyng for ioy wiþholdis þat hende.	
Whan he was saf and sownd,	
The kyng made hym þat stound	700
A knyght of þe Table Round	
To hys lyvis ende.	
Gaynor gart wightly write in-to be weste,	
To alle the religious to rede and to synge.	
Prestis wiþ processioun to pray þei were prest	705
With magging a multiply to make many new	

With massis a myliou*n* to make menyng;

-164-

Bobe lerid men and bysshopis right of be best	
Thurgh brood Englond belle dede rynge.	
This ferly byfelle bus fair in foreste	
Vndur holtys so hare at an huntyng.	710
Such huntyng in holtis oght not be hid.	
Thurgh a forest as y fore	
Wiþ stif knyghtis and store.	
In þe tyme of Arthur	
This auntour bytyd.	715

Explicit

(2015.7.7 受稿, 2015.8.17 受理)

## -Abstract-

This is meant to be the first part of an edition of the fifteenth-century Middle English alliterative poem, *The Awntyrs off Arthure at the Terne Wathelyn* preserved in London, Lambeth Palace Library MS 491. This includes an edited text of the poem and an introduction to the text in which textual features are discussed briefly.